



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 9 » sentabr

№ 562

Toshkent sh.

Иқтидорли ўқувчилар ўртасида фан олимпиадаларини ўтказиш тизимини такомиллаштириш ҳамда хорижий тилларни ўқитиши бўйича энг яхши мактабни аниқлаш тизимини жорий этиш тўғрисида

Ўзбекистон Республикаси Президентининг “Иқтидорли ёшларни аниқлаш ва юқори малакали кадрлар тайёрлашнинг узлуксиз тизимини ташкил этиш чора-тадбирлари тўғрисида” 2019 йил 3 майдаги ПҚ-4306-сон қарори, “Таълим-тарбия тизимини янада такомиллаштиришга оид қўшимча чора-тадбирлар тўғрисида” 2020 йил 6 ноябрдаги ПҚ-4884-сон қарори ҳамда “Ўзбекистон Республикасида хорижий тилларни ўрганишни оммалаштириш фаолиятини сифат жиҳатидан янги босқичга олиб чиқиш чора-тадбирлари тўғрисида” 2021 йил 19 майдаги ПҚ-5117-сон қарори ижросини таъминлаш мақсадида Вазирлар Маҳкамаси қарор қиласди:

1. Қуидагиларни назарда тутувчи:

а) Умумий ўрта таълим ташкилотлари, академик лицей ва қасб-хунар мактаблари ўқувчилари ўртасида фан олимпиадаларини ташкил этиш, ўтказиш ҳамда халқаро олимпиадалар иштироқчиларини саралаш ва ғолибларни рағбатлантириш тартиби тўғрисидаги низом 1-иловага мувофиқ:

фан олимпиадалари (асосий олимпиадалар, қўшимча республика олимпиадалари, онлайн олимпиадалар)ни ташкил этиш, ўтказиш ҳамда олимпиада ғолиблари ва уларнинг ўқитувчиларини рағбатлантириш тартиби;

мақоми асосий олимпиадаларнинг республика босқичига тенглаштирилган минтақавий халқаро фан олимпиадалари рўйхати;

халқаро ва минтақавий фан олимпиадаларига номзодларни саралаш, Ўзбекистон терма жамоасини шакллантириш, терма жамоа аъзоларини тайёрлаш учун жалб этилган маҳаллий ва хорижий тренерлар меҳнатига ҳақ тўлаш тартиби;

фан олимпиадаларининг назорат материалларини тайёрлаш ҳамда назорат материалларини тайёрлаш учун жалб этилган мутахассислар ва эксперtlар меҳнатига ҳақ тўлаш тартиби;

б) Ўзбекистон Республикаси Президентининг соврини учун “Хорижий тилларни ўқитиши бўйича энг яхши мактаб” танловини ўтказиш тартиби тўғрисидаги низом 2-иловага мувофиқ тасдиқлансан:

Ўзбекистон Республикаси Халқ таълими вазирлиги тизимидағи, инглиз, немис ёки француз тилларидан бири хорижий тил сифатида ўқитиладиган умумий ўрта таълим мактаблари ўртасида ўтказиладиган “Хорижий тилларни ўқитиш бўйича энг яхши мактаб” танловини ташкил этиш ҳамда ўтказиш тартиби;

инглиз, немис, француз тиллари бўйича бир хил мураккабликдаги назорат материалларини тайёрлаш ва танлов ўтказиладиган жойларга етказиб бериш тартиби;

таълим муассасаларида хорижий тилларни ўқитиш бўйича амалга оширилаётган чора-тадбирларни таҳлил қилиш, мактабнинг хорижий тилларни ўқитиш бўйича натижадорлиги кўрсаткичларини баҳолаш тартиби;

туман (шаҳар)лар миқёсида, Қорақалпоғистон Республикаси, вилоятлар, Тошкент шаҳри миқёсида ҳамда республика миқёсида хорижий тилларни ўқитиш бўйича энг яхши натижага эришган мактабларни аниқлаш ва Ўзбекистон Республикаси Президентининг совринини бериш тартиби.

2. Ўзбекистон Республикаси Молия вазирлиги мазкур қарорда назарда тутилган харажатларни 2021 йилда Ўзбекистон Республикаси Халқ таълими вазирлигига ажратилган маблағлар доирасида, 2022 йилдан бошлаб эса Халқ таълими вазирлиги томонидан тақдим этиладиган талабномага асосан Ўзбекистон Республикаси Давлат бюджети параметрларида назарда тутсин.

Бунда, Ўзбекистон Республикаси Президентининг соврини учун “Хорижий тилларни ўқитиш бўйича энг яхши мактаб” танловини ўтказиш тартиби тўғрисидаги низомга мувофиқ танловда ғолиб бўлган мактабларни бир марталик пул мукофотлари билан рағбатлантириш учун ажратиладиган маблағларнинг молиялаштириш манбалари қуидагилар ҳисобланади:

а) туман (шаҳар) босқичида:

1-ўрин учун – 100 миллион сўм, 2-ўрин учун – 75 миллион сўм, 3-ўрин учун – 50 миллион сўм миқдорида мукофотлаш – туман (шаҳар) маҳаллий бюджетлари ҳисобидан;

б) Қорақалпоғистон Республикаси, вилоятлар ва Тошкент шаҳар босқичида:

1-ўрин учун – 250 миллион сўм, 2-ўрин учун – 200 миллион сўм, 3-ўрин учун – 150 миллион сўм миқдорида мукофотлаш – Қорақалпоғистон Республикаси бюджети, вилоятлар ва Тошкент шаҳар маҳаллий бюджетлари ҳисобидан;

в) республика босқичида:

1-ўрин учун – 500 миллион сўм, 2-ўрин учун – 400 миллион сўм, 3-ўрин ўрин учун – 300 миллион сўм миқдорида мукофотлаш республика бюджетидан Халқ таълими вазирлигининг марказлашган харажатларига ажратиладиган маблағлар ҳисобидан.

3. Ўзбекистон Республикаси Халқ таълими вазирлиги Молия вазирлиги билан биргаликда умумий ўрта таълим муассасалари ўқитувчиларига, халқаро олимпиадалар ва асосий олимпиадаларнинг республика босқичи ғолибларига ғолибликтин қўлга киритган фанидан дарс берганлиги учун, белгиланган устамаларни қайта ҳисоб-китоб қилган ҳолда, Ўзбекистон Республикаси Президентининг “Иқтидорли ёшларни аниқлаш ва юқори малакали кадрлар тайёрлашнинг узлуксиз тизимини ташкил этиш чора-тадбирлари тўғрисида” 2019 йил 3 майдаги ПҚ-4306-сон қарори қабул қилинган кундан бошлаб тўлиқ тўлаб берилишини таъминласин.

4. Вазирлар Маҳкамасининг “Ўзбекистон иқтидорли ёшларини тақдирлаш ва моддий рағбатлантириш тўғрисида” 2008 йил 13 октябрдаги 226-сон қарорига 3-иловага мувофиқ ўзгартиришлар киритилсин.

5. Ўзбекистон Республикаси Халқ таълими вазирлиги манфаатдор вазирлик ва идоралар билан биргаликда ўзлари қабул қилган норматив-хуқуқий хужжатларни бир ой муддатда ушбу қарорга мувофиқлаштиrsин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринbosари Б.А. Мусаев ва Ўзбекистон Республикаси халқ таълими вазири Ш.Х. Шерматов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2021 йил 9 сентябрдаги 562 -сон қарорига
1-илова

Умумий ўрта таълим ташкилотлари, академик лицей ва касб-хунар мактаблари ўқувчилари ўртасида фан олимпиадаларини ташкил этиш, ўтказиш ҳамда халқаро олимпиадалар иштирокчиларини саралаш ва ғолибларни рағбатлантириш тартиби тўғрисида

НИЗОМ

1-боб Умумий қоидалар

1. Мазкур Низом давлат ва нодавлат умумий ўрта таълим ташкилотлари, академик лицей ва касб-хунар мактаблари (кейинги ўринларда – мактаблар) ўқувчилари ўртасида умумтаълим фанлари бўйича олимпиадаларни ташкил этиш, ўтказиш, халқаро ва минтақавий олимпиадалар иштирокчиларини саралаш ҳамда олимпиада ғолибларини рағбатлантириш тартибини белгилайди.

2. Ушбу Низомда қўйидаги асосий тушунчалар кўлланилади:

асосий олимпиада – умумтаълим фанлари бўйича Ўзбекистон Республикаси Халқ таълими вазирлиги (кейинги ўринларда – Вазирлик) томонидан мактаблар ўртасида республика миқёсида тизимли равища ҳар или ташкил этиладиган олимпиада;

қўшимча республика олимпиадалари – маҳаллий давлат ҳокимияти органлари, вазирлик ва идоралар, давлат ва нодавлат таълим ташкилотлар томонидан асосий олимпиадалардан ташқари, ўз ташабbusи билан ўтказиладиган олимпиадалар;

онлайн олимпиада – ўқувчиларнинг билимларини синовдан ўтказиш ва асосий олимпиадаларга тайёргарлик кўриш кўникмаларини шакллантиришга қаратилган ҳамда фақат ахборот технологиялари (компьютер, планшет, телефон ва бошқалар) орқали амалга ошириладиган олимпиадалар;

нуфузли халқаро олимпиадалар – Ўзбекистон Республикаси Президентининг “Иктидорли ёшларни аниқлаш ва юқори малакали кадрлар тайёрлашнинг узлуксиз тизимини ташкил этиш чора-тадбирлари тўғрисида” 2019 йил 3 майдаги ПҚ-4306-сон қарорида белгиланган халқаро олимпиадалар;

минтақавий халқаро олимпиадалар – нуфузли халқаро олимпиадалар рўйхатига кирмайдиган, Ўзбекистон Республикаси Вазирлар Маҳкамаси томонидан тасдиқланадиган рўйхатга киритилган ҳамда ғолибларининг мақоми асосий олимпиадаларнинг республика босқичи ғолибларига тенглаштирилган халқаро олимпиадалар;

олимпиадалар тақвими – ўқув йили давомида ўтказилиши режалаштирилган фан олимпиадаларининг режа-жадвали;

олимпиада ғолиблари – асосий олимпиада, қўшимча республика олимпиадаларида 1, 2, 3-ўринларни, халқаро олимпиадаларда олтин, кумуш ва бронза медалларини қўлга киритган ўқувчилар;

ахборот тизими – Вазирликнинг олимпиадаларни ташкил қилиш ва ўтказишга мўлжалланган веб-сайти.

3. Фан олимпиадалари ягона илмий-услубий ёндашув асосида адолатлилик, очиқлик ва шаффоффлик тамойиллари асосида ўтказилади.

4. Олимпиадалар учун тест топшириқлари, ёзма ва амалий ишларни (кейинги ўринларда – назорат материаллари) тайёрлаш, иқтидорли ўқувчилар захирасини шакллантириш ҳамда олимпиадаларни ўтказиш билан боғлик тадбирлар Вазирлик томонидан мувофиқлаштирилади.

Республика миқёсида ташаббус тартибида ташкил қилинадиган барча турдаги фан олимпиадалари Вазирлик билан келишган ҳолда ўтказилади ҳамда олимпиадалар тақвимига киритилади.

5. Олимпиадалар назорат материаллари ўқувчиларнинг билим, кўникмаларини стандарт ва ностандарт масалаларда, амалий топшириқларда қўллай олиш малакаларини ва компетенцияларини баҳолашга қаратилади.

6. Нуфузли халқаро олимпиадалар ва минтақавий халқаро олимпиадаларни ўтказиш тартиби ва шартлари уларнинг ташкилотчилари томонидан белгиланади.

7. Ўқувчилар олимпиадаларда ўз хоҳишлирага кўра, ихтиёрий равища қатнашадилар.

2-боб. Асосий олимпиадаларни ташкил этиш тартиби

8. Асосий олимпиадаларнинг тегишли босқичини ўтказиш бўйича комплекс чора-тадбирларни бажариш учун Вазирлик ҳамда унинг ҳудудий бўлинмалари ўз буйруклари билан ташкилий қўмиталар, ҳакамлар ҳайъатлари, апелляция комиссиялари ташкил этадилар.

1-§. Ташкилий қўмита

9. Олимпиадаларни ташкил этиш учун Вазирлик, Қорақалпоғистон Республикаси Халқ таълими вазирлиги, вилоятлар халқ таълими бошқармалари ва Тошкент шаҳар халқ таълими бош бошқармаси (кейинги ўринларда – ҳудудий халқ таълими бошқармалари), туман (шаҳар) халқ таълими бўлимларида ҳар бир олимпиада ҳамда унинг босқичларини ўтказиш бўйича республика ва ҳудудий ташкилий қўмита (кейинги ўринларда – ташкилий қўмита) тузилади.

10. Қуйидагилар ташкилий қўмитанинг вазифалари ҳисобланади:

олимпиада ўтказиладиган жойни белгилаш ва тасдиқлаш;

ҳакамлар ҳайъати таркиби, апелляция комиссияси аъзолари, аудитория раҳбарлари рўйхатини шакллантириш;

олимпиада назорат материалларининг маҳфийлигини, олимпиадани мазкур Низом талаблари асосида ўтказилишини таъминлаш;

олимпиаданинг ташкил этилиши, ўтказилиши ва натижаларини оммавий ахборот воситаларида ёритиб бориш;

барча олимпиада иштирокчилари ҳақидаги маълумотларни ахборот тизимиға киритилишини мувофиқлаштириш;

олимпиада натижалари ва ҳакамлар ҳайъати қарори асосида ғолибларни кейинги босқичда иштирок этиши бўйича тавсияни юқори турувчи ташкилий қўмитага тақдим этиш.

11. Мактабларда ташкилий қўмитанинг вазифалари Педагогик кенгаш томонидан амалга оширилади.

12. Ташкилий қўмита таркибиға Ўзбекистон Республикаси Халқ таълими вазирлиги, Олий ва ўрта маҳсус таълим вазирлиги, Вазирлар Маҳкамаси ҳузуридан Давлат тест маркази, Таълим сифатини назорат қилиш давлат инспекцияси, Президент таълим муассасалари агентлиги ҳамда Хорижий тилларни ўрганишни оммалаштириш агентлигининг масъул ходимлари ва бошқа маҳаллий давлат ҳокимияти органлари вакиллари киритилиши мумкин.

2-§. Ҳакамлар ҳайъати

13. Олимпиадаларнинг барча босқичларида ташкилий қўмита томонидан 3 кишидан 7 кишигача таркибда ҳакамлар ҳайъати тузилади.

14. Ҳакамлар ҳайъати:

олимпиада жараёнида бериладиган назорат материалларини экспертизадан ўтказади;

олимпиада иштирокчилари томонидан бажарилган ишларни Вазирлик томонидан тасдиқланган баҳолаш мезонлари асосида холисона текширади, баҳолайди ва ғолибларни аниқлайди;

натижаларни олимпиада ўтказилган куни эълон қиласди;

ўтказилган олимпиада натижалари бўйича қарор қабул қиласди ва уни ташкилий қўмитага тақдим этади.

15. Ҳакамлар ҳайъати таркибиға мактаблар, нодавлат таълим ташкилотлари, олий таълим ва илмий-тадқиқот институтларининг юқори малакали мутахассислари жалб қилинади. Ҳар бир фан бўйича тузилган ҳакамлар ҳайъати аъзолари очиқ овоз бериш йўли билан ҳайъат раисини сайлайдилар.

16. Ҳакамлар ҳайъати аъзолари олимпиада ғолибларини холисона аниқлашда ва назорат материалларининг маҳфийлигини таъминлашда шахсан жавобгар ҳисобланади.

3-§. Аудитория раҳбари ва назоратчилар

17. Ташкилий қўмита томонидан олимпиада бошланишидан олдин куръа ташлаш йўли билан фан ўқитувчилари орасидан хоналарга аудитория раҳбари ва назоратчилари тайинланади.

Фан ўқитувчиси ўз мутахассислик йўналишида олимпиада ўтказилаётган аудиторияга раҳбар ёки назоратчи этиб тайинланишига йўл қўйилмайди.

18. Аудитория раҳбарлари:

иштирокчиларга олимпиаданинг тартиб-коидалари тўғрисида қисқача тушунтиради;

олимпиада бошланиши ва тугаш вақтини эълон қиласди ҳамда олимпиада жараёнини назорат қиласди;

фан олимпиадаси жараёнида ўрнатилган тартиб-коидаларга амал қилмаган ўқувчиларни олимпиададан далолатнома тузиб четлаштиради;

иштирокчиларнинг бажарган ишларини шифрлаб, текшириш учун ҳакамлар ҳайъатига топшириади;

ҳакамлар ҳайъати томонидан текширилган ишларни шифр бўйича рўйхатини тузади ва ташкилий қўмитага тақдим этади.

19. Аудитория назоратчилари олимпиада ўтказилаётган ва ўзлари бириткирилган аудиторияда тартиб сақланишини таъминлайдилар ва аудитория раҳбариға қўйилган вазифаларни амалга оширишда кўмаклашадилар.

20. Олимпиада ўтказиладиган аудиториялар видеокузатув камералари билан жиҳозланади. Аудиторияда телефон ва турли алоқа воситаларидан фойдаланиш тақиқланади. Кимё ва физика фанларида калкулятордан ҳамда математика фанида циркуль ва чизғичдан фойдаланишга руҳсат этилади.

Оммавий ахборот воситалари вакиллариға олимпиада жараёнига халақит қилмаган ҳолда кузатишлариға руҳсат берилади.

21. Олимпиада ўтказилаётган жараёнда иштирокчиларнинг ўзаро гаплашиши, алоқа воситалари ва турли хил қўшимча манбалардан фойдаланиши тақиқланади.

Бундай ҳолатлар учун иштирокчи олимпиададан четлаштирилади, бажарган ишлари текширилмайди ва баҳоланмайди.

4-§. Апелляция комиссияси

22. Апелляция комиссияси ҳакамлар ҳайъати таркибига кирмаган уч нафаргача фан мутахассисларидан иборат таркибда тузилади.

23. Апелляция комиссияси томонидан олимпиада иштирокчиларининг аризалари олимпиада натижалари эълон қилинган куннинг ўзида қабул қилинади. Апелляция жараёнида ҳакамлар ҳайъати аъзолари, иштирокчи ва унинг фан ўқитувчиси иштирок этиши мумкин.

24. Апелляцияга олимпиадалар иштирокчиларининг фақатгина ўзлари томонидан бажарилган ишларини қайта кўриб чиқиш бўйича натижга эълон қилингандан сўнг шу куннинг ўзида аризалар қабул қилинади.

25. Ҳакамлар ҳайъати томонидан баҳоланган иштирокчининг бажарган ишида баҳолаш мезонларига мос келмаслик ҳолатлари аниқланганда апелляция комиссияси ҳакамлар ҳайъати қарорини бекор қилиш ёки уларга ўзгартиришлар киритиш хуқуқига эга.

26. Апелляция комиссияси ҳакамлар ҳайъатига апелляция натижалари бўйича изоҳ бериб, олимпиада натижаларини ўзгартириши мумкин ва бунда ҳакамлар ҳайъати қарори қайта тасдиқланади.

5-§. Иқтидорли ўқувчилар захираси

27. Иқтидорли ўқувчилар захираси ахборот тизимида шакллантирилади.

28. Иқтидорли ўқувчилар захирасига қуйидаги тоифадаги ўқувчилар киритилади:

асосий олимпиаданинг учинчи босқичида фанлар кесимида 1, 2, 3-ўринларни эгаллаган ўқувчилар;

минтақавий халқаро олимпиадалар ғолиблари;

нуфузли халқаро олимпиадаларда иштирок этган ўқувчилар;

қўшимча республика олимпиадалари ғолиблари;

онлайн олимпиадалар ғолиблари.

29. Иқтидорли ўқувчилар захирасидаги ўқувчилар тўғрисидаги маълумотлар йиллар кесимида Вазирликнинг ахборот тизимида сақланади.

3-боб. Асосий олимпиадаларни ўтказиш тартиби

30. Асосий олимпиадалар ушбу Низомга 1-иловада келтирилган фанлардан икки гурухга ажратилган ҳолда ўтказилади.

Бунда, нуфузли халқаро олимпиадалар ташкил қилинадиган фанлар мос келувчи биринчи гурух (математика, физика, кимё, биология, информатика ва ахборот технологиялари фанлари) ва иккинчи гурух (қолган фанлар) деб белгиланади.

31. Барча фанлардан назорат турлари, шакллари, баҳолаш мезонлари Вазирлик томонидан тасдиқланади.

Биринчи гуруҳдаги фанлар бўйича назорат турларида фанлар бўйича синовлар халқаро олимпиадаларнинг талаблари ва топшириқлари методологиясини қўллаган ҳолда ўтказилади.

32. Асосий олимпиадалар мактабларнинг 9–11-синф, академик лицейлар ва касб-хунар мактабларининг ўқувчилари ўртасида ўтказилади.

33. Асосий олимпиадалар тўрт босқичда қуйидаги муддатларда ўтказилади:

биринчи босқич – мактаб, академик лицей ва касб-хунар мактаблар миқёсида сентябрь ойида;

иккинчи босқич – туман (шаҳар) миқёсида октябрь ойида;

учинчи босқич – Қорақалпоғистон Республикаси, вилоятлар ва Тошкент шаҳри миқёсида ноябрь ойида;

тўртинчи босқич – республика миқёсида барча фанлардан апрель-май ойларида ўтказилади.

Тўртинчи босқичда умумтаълим мактабларининг 11-синф, касб-хунар мактаблари, академик лицейларнинг 2-босқич ўқувчилари иштирок этадилар.

Биринчи босқич мактаб, академик лицей ва касб-хунар мактаблар томонидан ўқувчилар ўртасида ўтказилади.

Ҳар бир фан ва синф кесимида иштирокчилар орасидан баллар кетма-кетлигига 3 нафаргача ғолиб аниқланади ва мактаб педагогик кенгапининг (ёки нодавлат таълим ташкилоти раҳбарининг) қарори билан иккинчи босқичда иштирок этиш учун тавсия этилади.

Иккинчи босқичда иштирок этиш учун тавсия этилган ўқувчилар ҳамда уларнинг ўқитувчилари ҳақидаги маълумотлар ахборот тизимиға жойлаштирилади.

Биринчи босқични ўтказиш билан боғлиқ масалалар, назорат материалларининг махфийлигини, жараённинг адолатли ва шаффофф ўтказилишини таъминлашга мактаб директори масъул ҳисобланади.

Туман (шаҳар) халқ таълими бўлими биринчи босқич ташкил этилишини мувофиқлаштиради ҳамда адолатли ва шаффофф ўтказилиши бўйича назоратни амалга оширади.

34. Иккинчи босқич туман (шаҳар) халқ таълими бўлими тавсия этилган ўқувчилар ўртасида ўтказилади.

Академик лицей ҳамда Президент таълим муассасалари агентлиги тизимидағи мактабларнинг биринчи босқич ғолиблари иккинчи босқичда иштирок этмасдан тўғридан-тўғри учинчи босқичда иштирок этадилар.

35. Иккинчи босқичда ҳар бир фан ва синф кесимида иштирокчилар орасидан баллар кетма-кетлигига 3 нафаргача (1, 2, 3-ўринлар) ғолиб аниқланади ва ҳакамлар ҳайъати қарори асосида ташкилий қўмита томонидан учинчи босқичда иштирок этиш учун тавсия этилади.

Ташкилий қўмита тавсия этилган ўқувчилар тўғрисидаги маълумотларни ахборот тизимиға киритади ва тасдиқлайди.

36. Иккинчи босқични ташкил этишда:

иштирокчиларини олимпиадалар бўлиб ўтадиган манзилга хавфсиз келиб-кетишиларига тегишли мактаб директорлари;

назорат материалларининг махфийлигини таъминлаш, жараёнларнинг шаффофф, адолатли ва барча хавфсизлик чораларини кўрган ҳолда ташкил этилишига – туман (шаҳар) халқ таълими бўлими мудирлари шахсан масъул ҳисобланади.

37. Худудий халқ таълими бошқармалари туман (шаҳар) халқ таълими бўлимлари томонидан иккинчи босқич ўтказилишини назорат қилади.

38. **Учинчи босқич** Қорақалпогистон Республикаси, вилоятлар ва Тошкент шаҳри миқёсида худудий халқ таълими бошқармалари томонидан ўтказилади.

39. Асосий олимпиадаларнинг учинчи босқичида:

иккинчи босқичда 1, 2, 3-ўринларни эгаллаган ўқувчилар;

академик лицейлар ҳамда Президент таълим муассасалари агентлиги тизимидағи мактаблар томонидан тавсия этилган 3 нафаргача ўқувчилар;

ўтган ўқув йилида асосий олимпиаданинг учинчи босқичида 1-ўринни эгаллаган ва ҳозирда мактаб, академик лицей ёки қасб-хунар мактабарининг ўқувчилари ўтган ўқув йилида ғолибликни қўлга киритган фани бўйича иштирок этади.

40. Учинчи босқичда ҳар бир фан ва синф кесимида иштирокчилар орасидан баллар кетма-кетлигига 3 нафар (1, 2, 3-ўринлар) ғолиблар аниқланади.

41. Иштирокчиларнинг олимпиадалар бўлиб ўтадиган манзилга хавфсиз келиб-кетишларини таъминлашга туман (шаҳар) ҳокимлари ва халқ таълими бўлими мудирлари шахсан масъул ҳисобланади.

42. **Тўртинчи босқич** республика миқёсида Вазирлик томонидан учинчи босқичда 1, 2, 3-ўринларни эгаллаган, умумтаълим мактабарининг 11-синф ўқувчилари ҳамда қасб-хунар мактаблари ва академик лицейларнинг 2-босқич ўқувчилари ўтасида ўтказилади.

43. Тўртинчи босқич учун тест топшириклари Вазирлар Маҳкамаси хузуридаги Давлат тест маркази, бошқа турдаги назорат материаллари ҳамда уларни баҳолаш мезонлари Вазирлик томонидан тайёрланади.

44. Кўзи ожизлар маҳсус мактаб-интернатлари ўқувчилари ўтасида она тили ва адабиёт, математика фанларидан олимпиада икки (вилоят ва республика) босқичда ташкил қилинади ҳамда назорат материаллари Вазирлик томонидан ишлаб чиқилади.

45. Тўртинчи босқичда ҳар бир фан йўналишида баллар кетма-кетлигига 1, 2, 3-ўринларни эгаллаган ўқувчилар ғолиб ҳисобланади.

46. Тўртинчи босқични ташкил этишда:

а) иштирокчиларнинг республика босқичи бўлиб ўтадиган манзилга хавфсиз келиб-кетишларига:

Қорақалпогистон Республикаси Вазирлар Кенгаши Раиси, вилоятлар ва Тошкент шаҳар ҳокимлари;

тизимида ташкилотлари бўлган вазирлик ва идораларнинг биринчи раҳбарлари;

нодавлат таълим ташкилоти раҳбарлари;

б) назорат материалларининг маҳфийлигини таъминлаш, жараёнларнинг шаффоф ва адолатли ўтказилишига – Вазирлик бевосита масъул ҳисобланади.

4-боб. Қўшимча республика олимпиадалари

47. Қўшимча республика олимпиадалари Ўзбекистон Республикаси Президенти ёки Вазирлар Маҳкамасининг ҳужжатлари ва топшириклари, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, вазирлик ва идоралар ёки давлат ва нодавлат таълим ташкилотлари ташабусига кўра ўтказилиши мумкин.

48. Қўшимча республика олимпиадаларини ўтказиш тартиби, ғолиблар ва уларнинг ўқитувчилари ёки таълим муассасаларини рағбатлантириш масалалари олимпиадаларни ўтказиш учун ташкил этиладиган ташкилий қўмита (ёки ташкилотчилар) томонидан ўрнатилган тартибда белгиланади.

49. Ўқувчилар ўртасида умумтаълим фанлари бўйича ўтказиладиган қўшимча республика олимпиадалари Вазирлик билан келишилади.

Қўшимча республика олимпиадасини ўтказиш учун ташаббускор ташкилот томонидан Вазирликка ўтказилиши режалаштирилаётган олимпиада тўғрисида қўйидаги маълумотларни илова қилган ҳолда мурожаат юборади:

- олимпиаданинг мақсади;
- олимпиадани ўтказиш жойи ва вақти;
- олимпиада ўтказилиши режалаштирилаётган фанлар рўйхати;
- иштирокчилар учун қўйилган талаблар (синфи, ёши ва бошқалар);
- ғолиб ва совриндорлар учун белгиланган мукофот жамгармаси ҳамда қўшимча имтиёзлар.

Вазирлик мурожаатни келиб тушган вақтдан бошлаб ўн кун мобайнида кўриб чиқади ҳамда қўшимча республика олимпиадасини ўтказишга розилик бериш ёки рад қилиш бўйича асослантирилган жавоб беради.

50. Қўйидаги ҳолларда олимпиадани ўтказишга рад жавоби берилиши мумкин:

олимпиадани ўтказишнинг мақсади амалдаги қонунчилик ҳужжатларида белгиланган таълим соҳасидаги асосий принципларга мос келмаса;

олимпиадани ўтказиш жойи ва вақти иштирокчиларнинг ҳаёти ва соғлигига хавф түгдирса.

5-боб. Онлайн олимпиада

51. Умумтаълим фанлари бўйича Вазирлик томонидан ўтказиладиган онлайн олимпиада мактабларнинг 4-11-синф ўқувчилари ҳамда академик лицей ва касб-хунар мактабларининг ўқувчилари ўртасида ўқувчиларнинг билимларини синовдан ўтказиш, асосий олимпиадаларга тайёргарлик кўриш кўникмаларини шакллантириш мақсадида ўтказилади.

52. Онлайн олимпиадани ўтказиш тартиби, муддатлари ва шартлари тўғрисидаги маълумотлар онлайн олимпиада бошланишидан икки ҳафта олдин Вазирликнинг расмий веб-сайтларида жойлаштирилади.

53. Онлайн олимпиадада рўйхатдан ўтиш, иштирок этиш ва натижаларини аниқлаш ахборот тизими орқали амалга оширилади.

54. Онлайн олимпиаданинг техник таъминоти Вазирлик томонидан амалга оширилади.

55. Вазирлик томонидан ташкил қилинадиган онлайн олимпиадалар натижалари таълим муассасаси, ўқувчилар ва уларнинг ўқитувчиларини рағбатлантиришга асос бўлмайди.

56. Нодавлат ташкилотлар томонидан ташкил этиладиган онлайн олимпиадаларини ўтказиш тартиби, ғолиблар ва уларнинг ўқитувчилари ёки таълим муассасаларини рағбатлантириш масалалари ташкилотчилар томонидан белгиланади.

6-боб. Нуфузли халқаро олимпиадаларда иштирок этувчи терма жамоага номзодларни саралаш тартиби

57. Нуфузли халқаро олимпиадаларда иштирок этувчи терма жамоага номзодларни саралаш (кейинги ўринларда – саралаш) биринчи гурух фанлардан уч босқичда ўтказилади.

58. Саралашнинг барча босқичларида иштирокчиларга синфидан қатъи назар, ҳар бир фан йўналишида бир хил назорат материаллари тақдим этилади ва натижалар ҳам синфларга ажратилмаган ҳолда эълон қилинади.

59. Саралашнинг биринчи босқичига куйидаги тоифадаги ўқувчилар жалб қилинади:

тегишли ўқув йилида ўтказилган асосий олимпиаларнинг учинчи (вилоят) босқичида фанлар бўйича синфлар кесимида, баллар кетма-кетлигига 1-5-ўринларни эгаллаган 9–11-синф ва академик лицей ҳамда касб-хунар мактабларининг ўқувчилари;

минтақавий халқаро олимпиадаларда ўтган ва жорий ўқув йили давомида ғолибликни қўлга киритган ўқувчилар;

Президент таълим муассасалари агентлиги томонидан тавсия қилинган ўқувчилар (ҳар бир фандан 5 нафаргача);

ўтган ўқув йилида нуфузли халқаро олимпиадаларда иштирок этган, ҳозирда умумтаълим мактабларида, академик лицей ва касб-хунар мактабларида таҳсил олаётган ўқувчилар.

60. Саралашнинг биринчи босқичи Вазирлик томонидан ноябрь ойида ташкил қилинади ва иккинчи босқичга Республика миқёсида ҳар бир фан бўйича энг юқори балларни қўлга киритган дастлабки 25 нафар иштирокчилар саралаб олинади.

61. Саралашнинг иккинчи босқичи доирасида ўтказилган синовлар натижалари бўйича баллар кетма-кетлигига энг юқори натижага эришган:

биология фанидан – 12 нафар;

кимё фанидан – 12 нафар;

информатика ва ахборот технологиялари фанидан – 12 нафар;

физика фанидан – 15 нафар;

математика фанидан - 18 нафар ўқувчилар учинчи босқичда иштирок этиш ҳуқуқини қўлга киритади.

62. Вазирлик томонидан саралашнинг иккинчи босқич натижаларига кўра саралаб олинган ўқувчилар учун тажрибали ўқитувчилар, олий таълим муассасалари профессор-ўқитувчилари ва хорижий мутахассислар, шунингдек, халқаро танлов ва олимпиадалар совриндорлари бўлган тренерлар иштироқида маҳорат дарслари, кучайтирилган ўқув машғулотлари ташкил этилади.

63. Ташкил этиладиган ўқув машғулотлари давомида ўтказиладиган учинчи босқич синов натижаларига кўра ҳар бир фан йўналишида энг юқори балларни қўлга киритган ўқувчилардан нуфузли халқаро олимпиадаларда белгиланган квоталар асосида Ўзбекистон терма жамоаси таркиби шакллантирилади.

64. Нуфузли халқаро олимпиадаларга саралашнинг барча босқичлари учун назорат материаллари ҳамда баҳолаш мезонлари Вазирлик томонидан ишлаб чиқилади ҳамда маҳфийлиги таъминланган ҳолда, олимпиада ўтказиладиган жойларга етказилади.

65. Нуфузли халқаро олимпиадаларда иштирок этувчи терма жамоа раҳбарлари ва уларнинг ёрдамчилари Вазирлик томонидан тайинланади.

66. Вазирлик хузурида математика, физика, информатика ва ахборот технологиялари, кимё ва биология фанларидан маслаҳат кенгашлари ташкил қилинади.

Маслаҳат кенгашларига ўз фани бўйича юқори малакага эга бўлган тажрибали тренерлар, профессор-ўқитувчилар киритилади.

Маслаҳат кенгаши аъзолари терма жамоани нуфузли халқаро олимпиадаларга тайёрлашда, маҳорат дарсларини ташкил қилишда иштирок этади.

67. Терма жамоа раҳбари ўз фани бўйича юқори малакага эга бўлиши, халқаро олимпиада топшириқларини инглиз тилидан давлат тилига бехато таржима қила олиши ҳамда ўқувчилар ишларини халқаро ҳакамлар ҳайъатига ҳимоя қила олиши лозим.

68. Минтақавий халқаро олимпиадаларда иштирок этиш учун Ўзбекистон терма жамоаси нуфузли халқаро олимпиадаларга ўтказилган саралаш босқичлари натижалари асосида ёки Вазирлик томонидан қўшимча саралашлар ўтказиш орқали шакллантирилиши мумкин.

7-боб. Олимпиада ғолиблари ҳамда уларнинг ўқитувчиларини тақдирлаш ва рағбатлантириш

69. Асосий олимпиаданинг учинчи босқичида ғолиб бўлган ҳар бир ўқувчига қўйидаги миқдорда пул мукофотлари берилади:

1 ўринни эгаллаган ўқувчига – базавий ҳисоблаш миқдорининг 6 баравари;

2 ўринни эгаллаган ўқувчига – базавий ҳисоблаш миқдорининг 4 баравари;

3 ўринни эгаллаган ўқувчига – базавий ҳисоблаш миқдорининг 3 баравари.

Асосий олимпиаданинг тўртинчи босқичида ғолиб бўлган ҳар бир ўқувчига қуидаги миқдорда пул мукофотлари берилади:

1 ўринни эгаллаган ўқувчига – базавий ҳисоблаш миқдорининг 12 баравари;

2 ўринни эгаллаган ўқувчига – базавий ҳисоблаш миқдорининг 8 баравари;

3 ўринни эгаллаган ўқувчига – базавий ҳисоблаш миқдорининг 6 баравари.

70. Асосий олимпиаданинг тўртинчи босқичида 1, 2, 3-ўринларни эгаллаган ўқувчиларга ихтисослик фани бўйича давлат олий таълим муассасаларига кириш имтиҳонларида максимал балл олиш ҳукуқини берувчи ва уч йил муддат давомида амал қилувчи электрон сертификатлар Вазирлик томонидан берилади ва унинг алоҳида электрон реестри юритилади.

71. Информатика ва ахборот технологиялари фани бўйича мазкур сертификатни олган ўқувчиларга ихтисослик фан сифатида математика фанидан давлат олий таълим муассасаларига кириш имтиҳонларида максимал балл олиш ҳукуқи берилади.

72. Вазирлик томонидан ҳар йили асосий олимпиаданинг республика босқичи ва республика босқичига тенглаштирилган минтақавий халқаро олимпиадалар ҳамда нуфузли халқаро олимпиадаларнинг ғолиблари рўйхати шакллантирилади ҳамда Ўзбекистон Республикаси таълим муассасаларига ўқишига қабул қилиш бўйича давлат комиссиясига тақдим этилади.

73. Нуфузли халқаро олимпиадалар ҳамда асосий олимпиаданинг тўртинчи босқичи ғолиблари, уларнинг ўқитувчилари, таълим муассасалари директорлари белгиланган тартибда рағбатлантирилади.

74. Таълим муассасаларида ўқитувчи бўлиб фаолият юритаётган нуфузли халқаро олимпиадалар ғолиблари лавозим маошига ҳар ой 150 фоиз, асосий олимпиадалар республика босқичи ғолиблари лавозим маошига ҳар ой 100 фоиз миқдорида устама ҳақи тўланади.

Бунда:

устамалар нуфузли халқаро олимпиадалар ва асосий олимпиадалар ўтказиладиган фанлар бўйича айнан ғолибликни қўлга киритган фанидан дарс беряётган олимпиада ғолибиға берилади;

таълим муассасаларида ўқитувчи бўлиб фаолият юритаётган нуфузли халқаро олимпиадалар ва асосий олимпиадалар республика босқичи ғолиблари томонидан ғолибликни тасдиқловчи ҳужжат ёки сертификат тақдим қилинади.

75. Устама олишга даъвогар шахсда бир пайтда нуфузли халқаро ва асосий олимпиада (республика босқичи) ғолиби бўлганда унга энг юқори натижаси бўйича устама тайинланади ва тўлов амалга оширилади.

76. Олимпиада ғолиблари ва уларнинг ўқитувчиларини рағбатлантириш харажатлари Халқ таълими вазирлигига республика бюджетидан ажратиладиган маблағлар ҳисобидан қопланади.

Ушбу Низомга 2-иловада келтирилган рўйхатдаги минтақавий халқаро олимпиадалар ғолиблари асосий олимпиаданинг республика босқичи ғолибларига тенглаштирилиб, мазкур олимпиадалар ғолиблари ва уларнинг ўқитувчиларига асосий олимпиаданинг тўртинчи босқичи ғолиблари учун белгиланган рағбатлантириш ва имтиёзлар қўлланилади.

8-боб. Фан олимпиадаларини ташкил этишни молиялаштириш

77. Асосий олимпиадаларни ташкил этиш билан боғлик харажатлар тегишлилиги бўйича туман (шаҳар) халқ таълими бўлимлари, Қорақалпогистон Республикаси Халқ таълими вазирлиги, вилоятлар халқ таълими бошқармалари ва Тошкент шаҳар халқ таълими бош бошқармаси ҳамда Халқ таълими вазирлигининг ҳар йилги марказлашган харажатлар сметасида режалаштирилади.

78. Нуфузли ҳамда минтақавий халқаро олимпиадаларда ўқувчилар иштирокини таъминлаш билан боғлик, шу жумладан суткалик, яшаш, транспорт ва виза харажатлари Ўзбекистон Республикаси Ёшлар ишлари агентлиги ҳисобидан ҳамда терма жамоанинг бошқа аъзоларини иштирокини таъминлаш ва бадал тўловлари Ўзбекистон Республикаси Халқ таълими вазирлигининг марказлашган харажатлари ҳисобидан қопланади.

79. Олимпиадада иштирок этган ҳакамлар ҳайъати аъзолари ва апелляция комиссияси аъзоларига ҳар йили Давлат бюджети параметрларида назарда тутиладиган Ўзбекистон Республикаси Халқ таълими вазирлигининг марказлашган харажатлари ҳисобидан қуйидаги миқдорларда бир марталик ҳақ тўловлари амалга оширилади:

асосий олимпиаданинг учинчи босқичида – меҳнатга ҳақ тўлашнинг энг кам миқдорига нисбатан 50 фоиз миқдорида;

асосий олимпиаданинг тўртинчи босқичи ҳамда нуфузли халқаро олимпиадаларга саралаш босқичларида – меҳнатга ҳақ тўлашнинг энг кам миқдорига нисбатан 100 фоиз миқдорида.

80. Асосий олимпиадаларга ва нуфузли халқаро олимпиада саралаш босқичларига жалб қилинган ҳакамлар ҳайъати аъзолари ва апелляция комиссияси аъзоларининг хизмат сафари билан боғлик кунлик, яшаш ва транспорт харажатлари уларнинг асосий иш жойидан қопланади.

81. Назорат материалларини тайёрлаш учун мактабларнинг, академик лицей, касб-ҳунар мактабларининг, олий таълим ва нодавлат таълим

ташкилотларининг олий маълумотли ўқитувчилари ва бошқа мутахассислар жалб қилинади ҳамда уларга қуидаги миқдорларда ҳақ тўланади:

асосий олимпиада ва онлайн олимпиадалар учун тайёрланган ҳар бир тест топшириғи (унинг ечими билан) учун – меҳнатга ҳақ тўлашнинг энг кам миқдорига нисбатан 5 фоиз миқдорида;

асосий олимпиада ва онлайн олимпиадалар учун тайёрланган ҳар бир ёзма иш топшириғи (унинг ечими билан) учун – меҳнатга ҳақ тўлашнинг энг кам миқдорига нисбатан 20 фоиз миқдорида;

нуфузли халқаро олимпиадаларда иштирок этувчи терма жамоани саралаш босқичлари учун тайёрланган ҳар бир ёзма иш топшириғи (унинг ечими билан) учун – меҳнатга ҳақ тўлашнинг энг кам миқдорига нисбатан 50 фоиз миқдорида;

асосий олимпиада, онлайн олимпиадалар ва нуфузли халқаро олимпиадалар учун тайёрланган битта назорат топширигини (ёзма иш, тест) таржима қилганлик (ўзбек, рус, инглиз тилларига) учун – меҳнатга ҳақ тўлашнинг энг кам миқдорига нисбатан 2 фоиз миқдорида.

82. Нуфузли халқаро олимпиадаларда иштирок этувчи Ўзбекистон терма жамоаси аъзоларини қўшимча ўқитишга жалб қилинган:

маҳаллий мутахассисларга соатбай ҳақ тўлаш илмий даража ва унвонига (илмий даража ва унвонларга эга бўлмаган тренерлар учун илмий даражага эга бўлмаган ўқитувчи лавозимига) мувофиқ олий таълим муассасаси талабаларига ўкув машғулотларини ўтказганлик учун белгиланган миқдорларда;

хорижий мутахассисларнинг иш ҳақи, Ўзбекистон Республикаси ҳудудида яшаши ва келиб-кетиши билан боғлиқ тўловлар улар билан амалга оширилган келишувга асосан Вазирлик томонидан амалга оширилади.

83. Халқаро олимпиадаларда ўқувчиларнинг муваффақиятли иштирокини таъминлаш мақсадида, уларнинг юқори даражада тайёргарлик кўришлари учун Ўзбекистон Республика Ёшлиар ишлари агентлиги томонидан “Ёшлиар оромгоҳи” да ўкув базаси ташкил этилади, барча зарур шароитлар таъминланади ва Вазирлик томонидан ўкув жараёнларига республика ва хорижлик малакали мутахассислар жалб қилинади.

84. Олий ва ўрта маҳсус таълим вазирлиги ҳамда Вазирлар Маҳкамаси хузуридаги Президент таълим муассасалари агентлиги халқаро олимпиадаларга жалб қилинган маҳаллий ва хорижий мутахассислар ҳамда терма жамоа аъзоларини ётоқхона ва транспорт хизмати билан таъминлайди.

9-боб. Якунловчи қоидалар

85. Нуфузли халқаро олимпиадалар ҳамда минтақавий халқаро олимпиадаларда Ўзбекистон терма жамоасининг иштирок этиши Вазирлик томонидан мувофиқлаштириб борилади.

86. Асосий олимпиадаларнинг барча босқичларида, халқаро олимпиадаларга саралашнинг биринчи ва иккинчи босқичларида иштирокчиларнинг олимпиада ўтказиладиган жойга келиб-кетиши, йўлларда

харакатланиш хавфсизлигини таъминлаш бўйича барча ташкилий чоратадбирларни кўриш маҳаллий давлат ҳокимияти органлари, Ички ишлар вазирлиги ва худудий халқ таълими бўлинмалари зиммасига юклатилади.

87. Олимпиада ўтказиладиган жойнинг санитария нормалари, қоидалари ва гигиена нормативларига мослиги, ўқувчилар соғлиги билан боғлик масалалар Соғлиқни сақлаш вазирлиги томонидан назоратга олинади.

88. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавобгарликка тортилади.

Умумий ўрта таълим ташкилотлари, академик лицей ва касб-хунар мактаблари ўқувчилари ўртасида фан олимпиадаларини ташкил этиш,
 ўтказиш ҳамда халқаро олимпиадалар иштирокчиларини саралаш ва ғолибларни раҳбатлантириш тартиби тўғрисидаги низомга
 1-илова

**Синфлар кесимида асосий олимпиада ўтказиладиган фанлар
РЎЙХАТИ**

Т/р	I. Биринчи гурӯҳ фанлар	Синфлар		
		9	10	11
1.	Математика	+	+	+
2.	Физика	+	+	+
3.	Кимё	+	+	+
4.	Биология	+	+	+
5.	Информатика ва ахборот технологиялари	+	+	+
II. Иккинчи гурӯҳ фанлар				
6.	Она тили ва адабиёт	+	+	+
7.	Ўзбек тили (бошқа тилларда таҳсил оладиганлар учун)	+	+	+
8.	Қорақалпоқ тили ва адабиёти	+	+	+
9.	Рус тили ва адабиёти	+	+	+
10.	Инглиз тили	+	+	+
11.	Немис тили	+	+	+
12.	Француз тили	+	+	+
13.	Тожик тили	+	+	+
14.	Қозоқ тили	+	+	+
15.	Тарих	+	+	+
16.	География	+	+	+
III. Махсус мактаб-интернат ўқувчилари учун фан олимпиадаси ўтказиладиган фанлар рўйхати				
17.	Она тили ва адабиёт	+	+	+
18.	Математика	+	+	+

Умумий ўрта таълим ташкилотлари,
академик лицей ва касб-хунар мактаблари
ўқувчилари ўртасида фан олимпиадаларини
ташкил этиш, ўтказиш ҳамда халқаро
олимпиадалар иштирокчиларини саралаш
ва ғолибларни раҳбатлантириш тартиби
тўғрисидаги низомга
2-илова

**Мақоми асосий олимпиадаларнинг республика босқичига тенглаштирилган
минтақавий халқаро фан олимпиадалари**
РЎЙХАТИ

Т/р	Олимпиадалар номи	Инглиз тилида номланиши
1.	Халқаро Жаутиков олимпиадаси (математика, физика, информатика ва ахборот технологиялари фанлари бўйича)	International Zhautykov Olympiad (IZho)
2.	Кавказ математика олимпиадаси	Caucasus Mathematic Olympiad (CMO)
3	Халқаро Менделеев олимпиадаси (кимё фани бўйича)	International Mendeleev Olympiad in Chemistry
4.	Осиё физика олимпиадаси	Asian Physics Olympiad (APhO)
5.	Осиё-Тинч океани минтақаси информатика олимпиадаси	Asian-Pacific Informatics Olympiad (APIO)
6.	Европа физика олимпиадаси	European Physics Olympiad (EuPhO)
7.	Халқаро география олимпиадаси	International Geographical Olympiad (IGeo)
8.	Халқаро математика мусобақаси	International Mathematical Competition (IMC)
9.	Халқаро иқтисод олимпиадаси	International Economics Olympiad (IEO)
10.	Халқаро лингвистика олимпиадаси	International Linguistics Olympiad
11.	Халқаро немис тили олимпиадаси	International German Olympics (IDO)
12.	Халқаро француз тили олимпиадаси	International French Language Olympiad (IFLO)
13.	Халқаро астрономия олимпиадаси	The International Astronomy Olympiad (IAO)
14.	Халқаро ёшлиар табиий фанлар олимпиадаси	International Junior Science Olympiad (IJSO)
15.	Аҳмад ал-Фарғоний номидаги Халқаро физика олимпиадаси	International Al-Farghani Olympiad in Physics
16.	Абу Райхон Беруний номидаги Халқаро кимё олимпиадаси	International Al-Biruni Olympiad in Chemistry
17.	Абу Али Ибн Сино номидаги Халқаро биология олимпиадаси	International Avicenna Olympiad in Biology

Изоҳ. Мазкур рўйхатга Халқ таълими вазирлиги томонидан Вазирлар Маҳкамаси билан келишилган
ҳолда ўзгартиришлар киритилиши мумкин.

Вазирлар Маҳкамасининг
2021 йил “9” сентябрдаги 562-сон карорига
2-илова

**Ўзбекистон Республикаси Президентининг соврини учун
“Хорижий тилларни ўқитиш бўйича энг яхши мактаб” танловини
ўтказиш тартиби тўғрисида
НИЗОМ**

1-боб. Умумий қоидалар

1. Мазкур Низом Ўзбекистон Республикаси Президентининг соврини учун “Хорижий тилларни ўқитиш бўйича энг яхши мактаб” танловини ўтказиш тартибини белгилайди.

2. Ушбу Низом талаблари Ўзбекистон Республикасида фаолият юритаётган умумий ўрта таълим мактаблари (кейинги ўринларда – мактаб)га нисбатан татбиқ этилади.

3. Хорижий тилларни ўқитиш бўйича энг яхши мактаб танлови (кейинги ўринларда – танлов) Вазирлар Маҳкамаси хузуридаги Хорижий тилларни ўрганишни оммалаштириш агентлиги (кейинги ўринларда – Агентлик) ҳамда Халқ таълими вазирлиги (кейинги ўринларда – Вазирлик) томонидан ҳар йили холислик, ошкоралик ва адолат тамойилларига амал қилинган ҳолда инглиз, немис, француз тиллари (кейинги ўринларда – хорижий тиллар) ўқитиладиган мактаблар ўртасида ўтказилади.

Танлов шартлари ва баҳолаш мезонлари инглиз, немис, француз тиллари бўйича бир хил мураккабликда Агентлик томонидан ишлаб чиқилади ҳамда мактаблар ўқитиладиган хорижий тиллардан қатъи назар, умумий танловда иштирок этади.

4. Хорижий тилларни ўқитиш бўйича энг яхши мактабни аниқлаш ва Ўзбекистон Республикаси Президентининг совринини бериш ушбу Низомга 1-иловада келтирилган схемага мувофиқ амалга оширилади.

2-боб. Танловнинг мақсади ва вазифалари

5. Мактаблар ўртасида соғлом рақобат муҳитини шакллантириш, уларда хорижий тилларни ўқитишнинг даражаси ва сифатини оширишни рағбатлантириш, педагог-ўқитувчиларнинг хорижий тилларни ўрганишга қизиқишини ошириш, ўқитиш сифати бўйича халқаро мезон ва стандартларга мувофиқ юқори кўрсаткичларга эришишга замин яратиш танловнинг мақсади ҳисобланади.

6. Қуйидагилар танловнинг асосий вазифалари ҳисобланади:

мактабларда хорижий тилларни ўқитиш бўйича амалга оширилаётган чора-тадбирлар натижадорлигини таҳлил қилиш;

хорижий тиллар бўйича ўқувчиларга сифатли таълим берадиган, самарали фаолият олиб бораётган ўқитувчиларни аниқлаш ва рағбатлантириш;

мактабларда хорижий тилларни ўргатиш бўйича кўрсатилаётган таълим хизматлари сифати ва самарадорлигини ошириш, уларда амалга оширилаётган ишлар ва эришилаётган натижалар тўғрисида кенг жамоатчиликни холис ахборотлар билан таъминлаш;

танловда юқори кўрсаткичларни қайд этган мактабларни рағбатлантириш, уларнинг тажрибасини оммалаштириш.

3-боб. Танловни ташкил этиш ва ўтказиш

7. Вазирлик тизимида мактаблар (хорижий тилларга ихтисослашган мактаблар бундан мустасно) танловга жалб этилади.

8. Танловда иштирок этиш истагини билдирган мактаб ҳар йили 20 сентябрга қадар Вазирликнинг ахборот тизимида (кейинги ўринларда – ахборот тизими) мактаб терма жамоасини рўйхатдан ўтказади.

1-§. Танловга оид маълумотларни шакллантириш

9. Рўйхатдан ўтган мактаб ҳар йили 20 октябрга қадар ахборот тизимида хорижий тилларни ўқитиш бўйича Вазирлик томонидан белгиланган асосий кўрсаткичларини (кейинги ўринларда – асосий кўрсаткичлар) киритади.

Ахборот тизимида киритилган маълумотларнинг ҳаққонийлиги ва тўғрилигига мактаб директори жавобгар ҳисобланади.

10. Туман (шаҳар) халқ таълими бўлими ахборот тизимида киритилган маълумотларнинг тўғрилигини текширади ва 1 декабрга қадар ҳаққонийлигини тасдиқлади.

11. Туман (шаҳар) халқ таълими бўлимларининг танлов жараёнини ташкил этиш бўйича фаолияти, шунингдек мактабларнинг ҳаққоний маълумотларни тақдим этишлари юзасидан назорат Қорақалпоғистон Республикаси Халқ таълими вазирлиги, вилоятлар халқ таълими бошқармалари ва Тошкент шаҳар халқ таълими бош бошқармаси (кейинги ўринларда – худудий бошқармалар) томонидан амалга оширилади.

12. Ҳар бир мактабдан битта тил бўйича битта терма жамоа иштирок этиши мумкин. Терма жамоа 7-9-синфларда таҳсил оладиган 5 нафар ўқувчидан ташкил топади.

2-§. Танловни ташкил этиш

13. Танлов уч босқичда: туман (шаҳар), вилоят ва республика босқичларида ташкил этилади.

Танловнинг барча босқичлари учун ташкилий ишларни амалга оширадиган ташкилий қўмита ва ҳакамлар ҳайъати тузилади.

14. Қуйидагилар ташкилий қўмитанинг вазифалари ҳисобланади:

танлов ўтказиладиган жойни белгилаш ва тасдиқлаш;

ҳакамлар ҳайъати таркиби, апелляция комиссияси аъзолари, аудитория раҳбарлари рўйхатини шакллантириш;

танлов материалларининг махфийлигини, танловни мазкур Низом талаблари асосида ўтказилишини таъминлаш;

танлов ташкил этилиши, ўтказилиши ва натижаларини оммавий ахборот воситаларида ёритиб бориш;

танлов натижалари ва ҳакамлар ҳайъати қарори асосида ғолибларни кейинги босқичда иштирок этиши бўйича тавсияни юқори турувчи ташкилий қўмитага тақдим этиш.

15. Танловни ташкил этиш билан боғлиқ харажатлар тегишлилиги бўйича туман (шаҳар) халқ таълими бўлимлари, Қорақалпоғистон Республикаси Халқ таълими вазирлиги, вилоятлар халқ таълими бошқармалари ва Тошкент шаҳар халқ таълими бош бошқармаси ҳамда Халқ таълими вазирлигининг ҳар йилги марказлашган харажатлар сметасида режалаштирилади.

16. Танловнинг биринчи босқичи (туман босқичи) ҳар йили февраль ойида тумандаги мактаблар ўртасида, Агентлик ҳамда Вазирлик томонидан тайёрланадиган маҳсус синов материаллари асосида, бевосита Агентлик, Вазирлик, Вазирлар Маҳкамаси ҳузуридаги Таълим сифатини назорат қилиш давлат инспекцияси ҳамда Давлат тест маркази томонидан белгиланадиган масъуллар иштирокида ўтказилади.

17. Танловнинг биринчи босқичида ҳар бир иштирокчи мактаб ўқувчиларидан иборат терма жамоасининг хорижий тилларни билиш даражаси тест топшириқлари воситасида синовдан ўтказилади ҳамда ушбу Низомга 2-иловадаги асосий кўрсаткичларни баҳолаш мезонлари асосида баллар кўйилади.

Биринчи босқичда мактаблар 100 баллик тизим бўйича баҳоланади, жумладан, тест топшириқлари учун – 50 балл, асосий кўрсаткичлар учун – 50 балл кўйилади.

18. Мактаб жамоасининг ҳар бир аъзоси синовлар жараёнида индивидуал баҳоланиб, иштирокчиларнинг натижалари умумлаштирилади ва асосий кўрсаткичларга қўйилган баллар қўшилган ҳолда мактабнинг умумий натижаси чиқарилади.

19. Умумий натижага қўра энг юқори балл тўплаган мактаблар баллар кетма-кетлигига қўра 1, 2, 3-ўринларни эгаллаган мактаблар сифатида белгиланади.

20. Туман босқичи натижалари туман (шаҳар) халқ таълими бўлими томонидан ахборот тизимиға киритилади. Синовларга тааллуқли ҳужжатлар туман (шаҳар) халқ таълими бўлимида уч йил муддатгача сакланади.

21. Туман босқичида 1-ўринни кўлга киритган мактаб вилоят босқичида қатнашиш ҳукуқини кўлга киритади.

22. Танловнинг иккинчи босқичи (вилоят босқичи) ҳар йили апрель ойида туман босқичида ғолиб бўлган мактаблар ўртасида, Агентлик ҳамда Вазирлик томонидан тайёрланадиган маҳсус синов материаллари асосида, бевосита Агентлик, Вазирлик, Вазирлар Маҳкамаси ҳузуридаги Таълим сифатини назорат қилиш давлат инспекцияси ҳамда Давлат тест маркази томонидан белгиланадиган масъуллар иштирокида ўтказилади.

Вилоят босқичида иштирок этадиган мактабларнинг ахборот тизимида асосий кўрсаткичлар бўйича киритган маълумотлари худудий ҳалқ таълими бошқармалари томонидан тузилган ташкилий қўмита томонидан таҳлил қилинади ва ҳаққонийлиги тасдиқланади.

23. Танловнинг вилоят босқичида иштирокчиларнинг тинглаб тушуниш (listening), ёзиш (writing), ўқиш (reading) ва лексик-грамматик кўникумаларини баҳолаш бўйича билимлари текширилади.

Иккинчи босқичда ҳар бир иштирокчи 100 баллик тизим бўйича баҳоланади, жумладан, тинглаб тушуниш (listening) – 25 балл, ёзиш (writing) – 25 балл, ўқиш (reading) – 25 балл ва лексик-грамматик кўникумалар – 25 балл қўйилади.

24. Мактаб жамоасининг ҳар бир аъзоси синовлар жараёнида индивидуал баҳоланиб, иштирокчиларнинг натижалари умумлашган ҳолда, мактабнинг умумий натижасини ҳосил қиласди.

25. Иккинчи босқич натижаларига кўра умумий ҳисобда энг юқори балл тўплаган мактаблар вилоят босқичида 1, 2, 3-ўринларни эгаллаган мактаблар сифатида белгиланади.

26. Вилоят босқичида 1-ўринни кўлга киритган мактаб республика босқичида қатнашиш ҳукуқини кўлга киритади.

27. Танловнинг учинчи босқичи (республика босқичи) ҳар йили август ойида, вилоят босқичида ғолиб бўлган мактаблар ўртасида Агентлик ҳамда хорижий ҳамкор ташкилотлар томонидан тайёрланадиган маҳсус синов материаллари асосида, бевосита Агентлик, Вазирлик ҳамда бошқа вазирлик ва идоралар томонидан белгиланадиган масъуллар иштирокида ўтказилади.

28. Танловнинг республика босқичида иштирокчиларнинг тинглаб тушуниш (listening), ёзиш (writing), гапириш (speaking) ва ўқиш (reading) кўникумалари чет тилини билишнинг ҳалқаро сертификацияланган стандартлари асосида синовдан ўтказилади ҳамда тегишли тил она тили сифатида фойдаланиладиган мамлакатлар ҳақидаги билими текширилади.

Учинчи босқичда чет тилини билишнинг ҳалқаро сертификацияланган стандартлари бўйича белгиланган баҳолаш тизими асосида баҳоланади.

29. Мактаб жамоасининг ҳар бир аъзоси синовлар жараёнида индивидуал баҳоланиб, иштирокчиларнинг натижалари, мактабнинг умумий натижасини ҳосил қиласди.

Инглиз, немис ва француз тиллари бўйича мос ҳолда турли халқаро сертификацияланган стандартлар бўйича баҳолаш тизими қўлланилганда, мактабларнинг натижаларини ҳисоблаш 100 баллга пропорционал тарзда амалга оширилади.

30. Учинчи босқич натижаларига кўра умумий ҳисобда энг юқори балл тўплаган мактаблар 1, 2, 3-ўринларни эгаллаган мактаблар сифатида белгиланади.

31. Ҳар бир босқичда ғолибликка даъвогар жамоаларнинг баллари тенг бўлиб қолган тақдирда, жамоалар ўртасида қўшимча синов ташкил этилади.

32. Республика босқичида 1-ўринни кўлга киритган мактаб Ўзбекистон Республикаси Президенти соврини соҳиби сифатида эълон қилинади.

4-боб. Назорат материалларини тайёрлаш

33. Танлов жараёнида фойдаланиладиган тест топшириқлари, ёзма ва амалий ишларни (кейинги ўринларда – назорат материаллари) босқич даражасидан келиб чиқиб, Агентлик, Вазирлик ҳамда халқаро ҳамкор ташкилотлар томонидан ишлаб чиқилади.

Назорат материалларини ишлаб чиқишда малакали мутахассислар, хорижий эксперtlар жалб қилинади ҳамда уларнинг меҳнатига ҳақ тўлаш тегишлилиги бўйича Агентлик ёки Вазирлик томонидан тузилган шартномаларга асосан амалга оширилади.

Назорат материалларини тайёрлаш учун мутахассисларга қуйидаги микдорларда ҳақ тўланади:

танлов учун тайёрланган ҳар бир тест топшириғи (унинг ечими билан) учун меҳнатга ҳақ тўлашнинг энг кам микдорига нисбатан 5 фоиз микдорида;

танлов учун тайёрланган ҳар бир ёзма иш (унинг ечими билан) ва амалий топшириқ учун меҳнатга ҳақ тўлашнинг энг кам микдорига нисбатан 20 фоиз микдорида.

Биринчи ва иккинчи босқич учун тайёрланган назорат материаллари бир нусхада муҳрланган ҳолда тегишли худудларга Агентлик масъули бириктирилган ҳолда бир кун олдин етказиб берилади.

Ҳакамлар ҳайъатига танловнинг учинчи босқичида назорат материалларини кўриб чиқиш ва зарур ҳолларда ўзгартириш киритиш ваколати берилади.

34. Танловнинг барча босқичлари учун баҳолаш мезонлари Агентлик ва Вазирлик томонидан ишлаб чиқилади ҳамда тасдиқланади.

5-боб. Танлов ғолибларига Ўзбекистон Республикаси Президентининг совринини бериш

35. Танлов ғолиблари қуйидаги микдорларда Ўзбекистон Республикаси Президентининг соврини билан мукофотланади:

а) туман (шаҳар) босқичида 1-ўрин учун – 100 миллион сўм, 2-ўрин учун – 75 миллион сўм, 3-ўрин – 50 миллион сўм;

б) Қорақалпоғистон Республикаси, вилоятлар ва Тошкент шаҳар босқичида 1-ўрин учун – 250 миллион сўм, 2-ўрин учун – 200 миллион сўм, 3-ўрин учун – 150 миллион сўм;

в) республика босқичида 1-ўрин учун – 500 миллион сўм, 2-ўрин учун – 400 миллион сўм, 3-ўрин ўрин учун – 300 миллион сўм.

36. Ўзбекистон Республикаси Президентининг соврини сифатида берилган пул мукофотлари 5 кун ичида ғолиб мактабнинг бюджетдан ташқари шахсий ғазна ҳисобварагига ўтказиб берилади.

6-боб. Якунловчи қоидалар

37. Танлов ғолибларини тақдирлаш маросимлари Агентлик, Вазирлик, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, туман (шаҳар) ҳокимликлари томонидан тантанали равишда ташкил этилади.

38. Мазкур Низомни қўллашда юзага келадиган низолар қонунчилик ҳужжатларида белгиланган тартибда ҳал этилади.

39. Ушбу Низом талабларининг бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Ўзбекистон Республикаси Президентининг
соврини учун “Хорижий тилларни ўқитиш
бўйича энг яхши мактаб” танловини ўтказиш
тартиби тўғрисидаги низомга
1-илова

**Хорижий тилларни ўқитиш бўйича энг яхши мактабни аниқлаш
ва Ўзбекистон Республикаси Президентининг совринини бериш
СХЕМАСИ**

Босқич	Масъуллар	Чора-тадбирлар	Бажариш муддатлари
1-bosqich	Мактаблар	Ахборот тизимида рўйхатдан ўтиш	20 сентябрга қадар
2-bosqich	Мактаблар	Ахборот тизимига мактабнинг асосий кўрсаткичларини киритади	20 октябрга қадар
3-bosqich	Туман(шахар) халқ таълими бўлимлари	Ахборот тизимида киритилган маълумотларни ҳаққонийлигини текшириш	1 декабрга қадар
4-bosqich	Агентлик, Вазирлик	Танловнинг биринчи (туман) босқичи учун назорат материалларини тайёрлаш	1 февралга қадар
5-bosqich	Ташкилий қўмита	Танловнинг биринчи (туман) босқичини ўтказиш ва ғолибларни аниқлаш	1 марта қадар
6-bosqich	Танловнинг иккинчи (вилоят) босқичини ўтказиш бўйича тузилган Ташкилий қўмита	Танловнинг иккинчи (вилоят) босқичида иштирок этадиган мактабларнинг ахборот тизимига асосий кўрсаткичлар бўйича киритган маълумотлари таҳлил қилинади ва ҳаққонийлиги тасдиқланади	1 майга қадар
7-bosqich	Агентлик, Вазирлик	Танловнинг иккинчи (вилоят) босқичи учун назорат материалларини тайёрлаш	1 майга қадар
8-bosqich	Агентлик, Вазирлик, вазирлик ва идоралар	Танловнинг иккинчи (вилоят) босқичини ўтказиш ва ғолибларни аниқлаш	1 июня қадар
9-bosqich	Агентлик, Вазирлик халқаро ҳамкор ташкилотлар	Танловнинг учинчи (республика) босқичи учун назорат материалларини тайёрлаш	1 августга қадар
10-bosqich	Агентлик, Вазирлик, халқаро ҳамкор ташкилотлар, вазирлик ва идоралар	Танловнинг учинчи (республика) босқичини ўтказиш ва ғолибларни аниқлаш	1 сентябрга қадар

Ўзбекистон Республикаси Президентининг
соврини учун “Хорижий тилларни ўқитиши
бўйича энг яхши мактаб” танловини ўтказиши
тартиби тўғрисидаги низомга
2-илова

**Хорижий тилларни ўқитиши бўйича мактабнинг асосий кўрсаткичларини баҳолаш
МЕЗОНЛАРИ**

T/p	Асосий кўрсаткичлар	Балл*
	ЖАМИ:	50 баллгача
	I. Хорижий тил ўқитувчиларининг малака тоифасига эгалиги	15 баллгача
1.	Олий малака тоифасига эга ўқитувчилар улуши – 100 фоизни ташкил этганда	15
	Олий малака тоифасига эга ўқитувчилар улуши – 50 фоиздан ошганда	10
	Олий малака тоифасига эга ўқитувчилар мавжуд, улуши – 50 фоиздан кам бўлганда	5
2.	Олий ва биринчи малака тоифасига эга ўқитувчилар улуши – 100 фоизни ташкил этганда	10
	Олий ва биринчи малака тоифасига эга ўқитувчилар улуши – 50 фоиздан ошганда	5
	Биринчи малака тоифасига эга ўқитувчилар мавжуд, улуши – 50 фоиздан кам бўлганда	3
3.	Малака тоифасига эга ўқитувчилар улуши – 100 фоизни ташкил этганда	5
	Малака тоифасига эга ўқитувчилар улуши – 50 фоиздан ошганда	3
	Малака тоифасига эга ўқитувчилар мавжуд, улуши – 50 фоиздан кам бўлганда	1
	II. Хорижий тил ўқитувчиларининг халқаро имтиҳон тизимлари бўйича маҳсус сертификатларга эгалиги**	15 баллгача
4.	Инглиз (француз, немис) тилини билиш даражаси хақидаги сертификат (TOEFL бўйича камида 72 ёки IELTS бўйича камида 5,5 балл, TestDaF (TDN3), CEFR бўйича камида B2), инглиз (француз, немис) тилини ўқитишининг касбий маҳоратларни аниқловчи сертификат (TKT, GOETHE ZERTIFICAT B2, DSD II, TEFL, TESOL, CELTA, DELTA, DAF, DPAFP-FLE) ёки Ўзбекистон Республикаси Вазирлар Маҳкамаси хузуридаги Давлат тест маркази томонидан бериладиган инглиз (француз, немис) тилини билиш даражаси хақидаги B2 ёки C1 даражасидаги сертификатига эга ўқитувчи мавжуд бўлганда	10

5.	<p>Инглиз (француз, немис) тилини билиш даражаси ҳақидаги сертификат (TOEFL бўйича камида 72 ёки IELTS бўйича камида 5,5 балл, TestDaF (TDN3), CEFR бўйича камида B2), инглиз (француз, немис) тилини ўқитишининг касбий маҳоратларни аникловчи сертификат (ГКТ, GOETHE ZERTIFICAT B2, DSD II, TEFL, TESOL, CELTA, DELTA, DAF, DPAFP-FLE) ёки Ўзбекистон Республикаси Вазирлар Маҳкамаси ҳузуридаги Давлат тест маркази томонидан бериладиган инглиз (француз, немис) тилини билиш даражаси ҳақидаги B2 ёки C1 даражасидаги сертификатига эга ўқитувчилар сони 2 ёки 3 ундан ортиқ бўлганда</p>	15
III. Мактабда хорижий тил ўргатиш бўйича таълим хизматлари кўрсатишининг йўлга қўйилганлиги		10 баллгача
6.	<p>Мактабда хорижий тил ўргатиш бўйича ўкув курслари ташкил этилган ва камида 6 ойдан буён фаолият юритаётган бўлса (ижара шартномаси асосида)</p>	5
7.	<p>Мактабда хорижий тил ўргатиш бўйича ўкув курслари ташкил этилган ва камида 6 ойдан буён фаолият юритаётган бўлса ва камида 50 нафар ўқувчиларга тил ўргатиш йўлга қўйилган бўлса (ижара шартномаси асосида)</p>	10
IV. Ўқувчиларнинг олимпиада ва танловларда эришган натижалари		10 баллгача
8.	<p>Ўкув йилида ўқувчиси хорижий тил бўйича республика олимпиадасига йўлланма олганда</p>	10
9.	<p>Ўкув йилида ўқувчиси хорижий тили бўйича вилоят олимпиадасига йўлланма олганда</p>	5

*Мактаб параметрлари битта бўлимдаги иккита ва ундан ортиқ асосий кўрсаткичларга мос келганда юқори кўрсаткич бўйича белгиланган балл қўйилади.

**Ушбу мезонларда кўрсатилган халқаро ёки миллий сертификатлар рўйхатига ва танловда шитирок этиши учун белгиланган энг кам даражасига (шакаласи) заруриятга кўра вазирлик ва Агентлик томонидан ўзгартириши киритилиши мумкин.

Вазирлар Маҳкамасининг
2021 йил 9 сентябрдаги 562-сон қарорига
3-илова

**Вазирлар Маҳкамасининг “Ўзбекистон иқтидорли
ёшларини тақдирлаш ва моддий рағбатлантириш түғрисида”
2008 йил 13 октябрдаги 226-сон қарорига
киритилаётган ўзгартиришлар**

1. 1-банднинг тўртинчи ва бешинчи хатбошиларидан “олимпиадалари” сўзи чиқариб ташлансин.

2. 4-илова:

а) номидан “олимпиадалари” сўзи чиқариб ташлансин;

б) 1-банддан “академик лицейлар, касб-хунар коллежлари ва умумтаълим мактаблари ўқувчиларининг умумтаълим фанлари бўйича олимпиадаларини” сўzlари чиқариб ташлансин;

в) 2, 8, 10-бандлардан ҳамда 7-банднинг иккинчи – тўртинчи хатбошиларидан “олимпиадалар” сўзи чиқариб ташлансин;

г) 3-банд ўз кучини йўқотган деб ҳисоблансин;

д) 6-банддан “олимпиадалари” сўзи чиқариб ташлансин;

е) 11-банддан “олимпиада” сўзи чиқариб ташлансин.

3. 5-илова:

а) номидан “олимпиадалари” сўзи чиқариб ташлансин;

б) 1-банддан “Умумтаълим фанлари бўйича академик лицейлар, касб-хунар коллежлари ва умумтаълим мактаблари ўқувчиларининг расмий халқаро ва республика олимпиадалари” сўzlари чиқариб ташлансин;

в) 6-банд ўз кучини йўқотган деб ҳисоблансин;

г) 7-банддан “олимпиадалари” ва “олимпиада фанлари” сўzlари чиқариб ташлансин;

д) 8, 11, 12, 15-бандлардан “олимпиадалари” сўзи чиқариб ташлансин.

е) 13-банддан “олимпиадалар” сўзи чиқариб ташлансин.

